

# قفل حبنا | رسالة لكل اتنين بيحبوا بعض | د. حازم شومان

حازم شومان

انتم عارفين احنا واقفين فين دلوقتي؟ احنا في بورسعيد يا جماعة. الاقفال دي كلها ايه؟ ده قفل حبنا. يعني كل شاب وبنت بيحبوا بعض يجوا هنا يجيبوا وتلاقي الاقفال دي بقى كلها بقى فالالوان واقفال جديدة ويقوموا عاملين القفل هنا وربطينه وراميين المفتاح في قناة السويس وبعد كده يقولوا خلاص مفيش حد هيتفرج - [00:00:00](#)

غير اللي يقدر يجيب المفتاح نفس اللي بيحصل في فرنسا في جسر الفنون بالظبط. افلح حبنا طبعاً الشاب ده بعد خمس سنين ولا عشر سنين هيجي يكسر القفل تسعين في المية هيجي يكسر القفل هنا وممكن يندم على اللي هو عمله. قابلت آآ ولد وبنت شكلهم طيب جدا جدا وحاطط ايده على كتفها - [00:00:29](#)

وهربانة هربانين من الدنيا خالص مش داريين بالدنيا. فدخلت اتكلم معهم شوية. اتكلم مع الشاب شوية واتكلم معه في علاقة الاحباب. اقول له بص انا من المنصورة اصلاً. يعني انا ربنا جايبني هنا ثلاث ساعات عشانك. عشان اتكلم معك. يبقى ربنا بيحبك. خد بالك ان فيه الف واحد ماشي في الشارع. ربنا اختارك انت - [00:00:49](#)

عنه انا جاي عشان اكلمك. من ثلاث ساعات انت بالزبط برضو حبيب قلبي. اختي الغالية الكريمة الطيبين. اللي قلبهم طاهر. اللي بيحبه ربنا سبحانه وتعالى انا بقول لكم نفس الكلمة. انت ممكن تكون من دولة تانية. انت من بلد تانية. انت ممكن تكون تسمع المقطع ده في زروف. انت ما كنتش ناوي تدخل اصلاً وتسمعه - [00:01:09](#)

اللي بعته لك ربنا سبحانه وتعالى مش انا. ولا اي حد من البشر. وانا بتكلم مع الشاب الطيب ده هو ربنا يحفظه في اول كلمة قالها لي. قال لي هو انا كده كده داخل - [00:01:29](#)

انا راجل مسلم وكده كده هموت وادخل الجنة مهما عملت. فساعتها اول حاجة افكرتها سبحان الله العظيم حديس النبي عليه الصلاة والسلام. وهو اخر كل صلاة قبل ما يسلم يقول واعوذ بك من فتنة المحيا والممات. ايه فتنة الممات دي يا جماعة؟ فكرة الممات دي الانسان وهو ييموت وخلص في غيبوته يموت وفي اضعف لحظة بيجي له الشيطان - [00:01:39](#)

مسلاً والدته تكون ماتت يجي له في شكل والدته. يقول له انا امك وانا مت واكتشفت ان الاسلام مش هو الصح. وان مسلاً اليهودية هي الصح لو في فلسطين. ان - [00:01:59](#)

فوزية هي الصح لو في الصين او في الهند ان المسيحية هي الصح لو في بلد يجي له يشككه في دينه. فتنة الممات دي يا جماعة ممكن يكون فيه الوف والعياذ بالله ببشكوا في دينهم فيه - [00:02:09](#)

وممكن يخسروا دينهم فالشيطان بيجي يشكل عالکفر في اخر لحزة. نعرف منين؟ قلت له يا حبيب قلبي اصل هي عاملة زي الحبل اللي بيجر بعضه. انا دلوقتي باعصي معصية صغيرة - [00:02:19](#)

بكرة هتكبر. قال لي لا انا عارف حدودي. قلت له دي حدود ربنا سبحانه وتعالى دي مش حدودك. انت اول مرة قعدت معها قلت انا هقعده بس. بعد كده بدأت تكلمها كلام حب قلت - [00:02:29](#)

حب بس. بعد كده بدأت لسانك يطول اكثر. قلت كده بس. ايدك اتمدت قلت بس. حطيت ايدك على كتفها. قلت بس قلت له مش هتقف والله ما هتقف. ولا اتبعوا خطوات الشيطان. الشيطان قاعد يدبر وعايز يسحبك واحدة واحدة لحد ما تلاقي نفسك تعديت حدود ربنا اكثر واكثر - [00:02:39](#)

بس دي معصية صغيرة خالص. دي مش من الكبائر. قلت له العين تزني وزناها النظر. كل بصة بتبصها لك وكل بصة بتبصها لها ده زنا

عين. الاذن تزني وزناها سامع انت بتسمع وبتسمع للودادي وبتسمع لعزيز مرعي قال لي انت عرفت الاسماء دي منين؟ قلت له يا ابني انت دلوقتي قال لي بص يا شيخ - [00:02:59](#)

اقول لك بس بصراحة اصل انا بشجعها على الصلاة. وهي بتشجعني على الصلاة. قلت له حبيب قلبي ما تضحكش على نفسك. انت الجدار اللي بينها وبين ربنا. دلوقتي كل طول قعدتها دي ملك - [00:03:19](#)

اليمين ولا ملك الشمال اللي بيكتب قعدتها معك؟ قال لي ملك الشمال طبعاً. قلت له انت لو هي خدت الف سيئة في اليوم تسعمية بسببك انت. انت الحاجز اللي بينها وبين ربنا - [00:03:29](#)

دلوقتي ما صلتش الظهر بسببك انت. هي لو قابلت ربنا واتعزيت هيبقى بسببك انت لو بتحبها سبها. لانك انت الجدار اللي بينها وبين ربنا سبحانه وتعالى. يوم القيامة لما هتتمنوا ان انتم ما كنتوش اتقابلتم. قال لي طب ما انا هتجوزها. قلت له جميل. لو انا سرقت عشان ابني جامع. انا اللوقتي استعملت وسيلة حرام في غاية حلال وفي غاية - [00:03:39](#)

هل ده ينفع؟ قال لي ما ينفعش. قلت له دلوقتي حتى لو علاقة حرام افضل لزواج وده بنسبة خمسة وتسعين في المية ما بيحصلش. انت في الحالة دي انت استعملت - [00:03:59](#)

الوسيلة حرام عشان توصل لحاجة حلال. فالوسيلة الحرام مش هتغفر الا ان يغفر الله سبحانه وتعالى. قال لي يا شيخ ده زنوب صغيرة وقلت له حبيبي والله ما هتعددي ربنا سمى عقوبة الذنب عقاب لانه يعقب الذنب. لانه في ديله على طول. قلت له والله ما تعدي. ما في معصية عند ربنا هتعددي. وعقوبة كل بصة حرام - [00:04:09](#)

عقوبة كل كلمة حرام. عقوبة ان البنات دي قاعدة ليل نهار تسمع اغاني ده واغاني ده واغاني ده. عشان تعيش على جو ان هي بتحبك بس. قلت له كل ده في ميزانك - [00:04:29](#)

لان انتم اللاتنين شركاء في كل حاجة ربنا حرمها هي مش في ايديها. ولا في ايدينا بقى هي في ايدين ربنا. هتاخذها من ربنا غضب عنه. كل نعمة ربنا وتعصي ربنا بسببها ربنا هيعاقبك بها هيخليها سبب عزابك. لو البنات دي انت عصيت ربنا بسببها هيخليها سبب عزابك. لو هي عصت ربنا بسببك هتبقى انت - [00:04:39](#)

حسبها فانت بتفكر ازاي؟ طاعة ربنا هي اللي فيها السعادة والغنى والاكرام. مش بس الجنة ونعيم الجنة. طاعة ربنا قال لي يا شيخ بص انا بس حاجة هي اصلا كده كده ربنا يغفر لنا. انت بتكبر الموضوع ليه؟ قلت له لان الموضوع كبير. لان فعلاً الموضوع كبير. انت مين اللي قال لك ان الموضوع - [00:04:59](#)

علمونا في الاعلام ان الموضوع صغير. علمونا في الشوارع ان الموضوع صغير. للاسف في اهالي لنا علمونا الموضوع صغير. والله ما هو صغير. اخطر حاجة بتحصل على وجه الارض هي المعصية. واكثر سبب لاي مشكلة الاقفال ده ايه؟ الاقفال الكثير قوي دهيه بتاعة الشباب. وفي الاخر عنوسة. قال لها طب ما الاقفال كتيرة اهي - [00:05:19](#)

وفي الاخر اللي مفرمش بتقفل على ان انا بحبك قوي وبيحبها. الاقفال دي للاسف ممكن في الاخر لو في علاقة حرام تقفل على رزقنا يا جماعة. تقفل على الدنيا بتاعتنا القبر اول ليلة في القبر - [00:05:39](#)

قلت له ما فيش واحد صاحبك مات تعرفه كلنا لنا ناس كتير جدا من واحنا صغيرين اصحابنا وبنات وماتوا فجأة قلت له انت ممكن تموت فجأة انت لو ما اعتبرتش - [00:05:52](#)

غيرك هتبقى عبرة لغيرك. انت ممكن في لحظة تموت وتقابل ربنا. هتقول لربنا ايه؟ هتقول لربنا ايه؟ وهتتمنى انك كنت قعدت القعدة ديت ولا ما كنتش قعدتها؟ فانت اعمل حسابك - [00:06:02](#)

ان في ناس بقى لها الف سنة تحت التراب. ما كانتش فاهمة ان هم يومين فوق التراب. وممكن خمس تلاف سنة لحد يوم القيامة تحت التراب. اعمل حساب النومة دي. انت تعرف - [00:06:12](#)

ساعتها هتتمنى انك انت كنت بتعمل ده ولا بتعمل حاجة تانية. الحنة التانية خد بالك بقى يا حبيب قلبي انت حاطط ايدك على كتفها وحاضنها وانتم اللاتنين عايشين بتقولوا بعض الكلام ما حدش سامعه غيركم انتم وربنا سبحانه وتعالى. خد بالك ان انت خمسة

وتسعين في المية ما انتش هتتجوزها. وانت عارف كده. انما مراتك اللي انت هتتجوزها بحق وحقيقي - [00:06:22](#)  
هيتقفل عليكم باب بيت تمنها على ولادك وعلى شرفك وعلى عرضك قاعدة في نفس اللحزة دهيه. مع واحد تاني حاطط ايده على  
كتفها وبيقول لها نفس الكلام. اصله سلف ودين وهيترد من - [00:06:42](#)

مش عايزه يتربى في عرضك ما تعملوش مع بنات الناس. لان البنات دي عارضة راجل تاني. راجل تاني هيتجوزها في يوم من الايام.  
والموضوع مش صغير. يوم القيامة الشمس اللي تعبانة على راسنا ده ايه واللي لابسين نضارة شمس عشانها ده ايه على بعد ثلاثة  
وتسعين مليون ميت. يوم القيامة الثلاثة وتسعين مليون هيقع وهيفضل ميل واحد. تغلي الادمغة - [00:06:52](#)  
تغلي يغلي مخ الانسان يوم القيامة. ده للي مش هيقف في ظل عرش الله. بسبب وقفته في ارض المحشر في الشمس. قال لي هو  
يوم القيامة ده بجد؟ قلت له اه والله بجد - [00:07:12](#)

خمسين الف سنة. قال لي خمسين الف سنة بجد. قلت له يا ابني تمتاشر مليون وميتين وخمسين الف يوم. من ايام الفراغة لحد  
دلوقتي خمس تلاف سنة. يعني يوم القيامة اطول من عمر الكرة الارضية - [00:07:22](#)  
قال لي افضل اتحاسب طول اليوم ده؟ قلت له هي دي المشكلة. ان احنا فاكيرين ان الموضوع صغير. الموضوع صغير. ده فيه اول  
ليلة في القبر وفيه قبر وفيه حساب ملكين. وفيه وقفة بين ايدين ربنا مش - [00:07:32](#)

معنى انك ما بتفكرش فيها انك مش هتقفها. مش معنى ان هي مش حاسبها ان مش هتلاقي نفسها في يوم القيامة. وفي اول ليلة  
في القبر متي؟ الله اعلم. في اي لحظة. وفي يوم قيمة خمسين الف - [00:07:42](#)  
وفي اصغر دنيوي للمعصية وللطاعة. اي طاعة تعملها هيبجي هيبجي ثمرتها في الدنيا قبل الاخرة. قلت له انت عارف انت قاعد معه  
بالنهار الملائكة بترفع الصحائف لله كل اتنين وسبعين ساعة. كل اتنين وخميس. قلت له هينزل ده. انت عارف عقوبة المعصية اللي  
انت عاملها دي هتنزل فين؟ ممكن تنزل في صحتك - [00:07:52](#)

ممكن تنزل في مادتين انت طالب في تانية جامعة. ممكن تنزل في مادتين نفسك تتجح فيهم. ممكن تنزل في رزقك. انك ما تلاقش  
شغل تتجوزها به. ممكن تنزل في ان ربنا يقلب - [00:08:12](#)  
عليك ممكن تنزل في انك انت تلاقي نفسك عندك اكتئاب نفسي وانت قاعد معها المفروض مبسوط. عندك اكتئاب نفسي. انت عارف  
عقوبة المعصية تنزل فين؟ هتنزل هتنزل. والله الا ان احنا نستغفر الله او ربنا يغفر لنا سبحانه وتعالى. الموضوع كبير. يا شباب  
الموضوع كبير. يا كل شاب وبنت يا يا - [00:08:22](#)

يوسف وجزاة ويا ابوها ويا توحة ويا روان ويا شيماء ويا الاسماء الرهيبة اللي مكتوبة والقلوب والله وبيني وبينك قفل عمري ما  
عمري ما هاسيبك الا لما المفتاح تسعين في المية من العلاقات دي يا جماعة لا تنتهي بزواج. تسعين في المية غير المعاصي تبقى -  
[00:08:42](#)

انا بنصح الشاب الجميل اللي انا قابلته. والبنات الطيبة اللي كانت قاعدة معه. اللي احيانا ممكن يكون الشيطان استدرك قلت له خد  
بالك ما تغمقش. ما تغمقش ارجع. عشان لما تيجي ترجع لربنا ما تلاقش نفسك خرس اوي. تعرف ترجع لربنا سبحانه وتعالى. وخذ  
بالك. انت دلوقتي وصلت - [00:09:02](#)

بينك وبين مخلوق ودي علاقة حرام. طب ما توصل بينك وبين الخالق. ما توصل حتى لو مش قادر اسبب المعصية ما اسببش الطاعة.  
الصلاة احوال الصلاة ايه؟ عشان كده شباب واحنا باقي على رمضان شهر بس. باقي على رمضان شهر واحد. اخبار الصلاة ايه؟ انا  
الوقتي لو لو انا طالب في الجامعة ودكتور الجامعة بيتصل بي خمس مرات في اليوم ويبعت لي - [00:09:22](#)

الرسائل على الموبايل وانا ما بردش عليه اصلا اصلا. اللي ما بيصليش ده ما بيردش على رسائل ربنا اصلا. ربنا قاعد بيعت لنا كل يوم  
الف رسالة تقول ربنا بيبعت لك كل يوم الف رسالة يقول لك اعبدي وصل لي. ربنا بيبعت لك كل يوم خمس رسائل يقول لك صلي في  
الميعاد. ربنا بيبعت لك كل يوم الف رسالة - [00:09:42](#)

الفوا رسالة حب. الفوا رسالة نعم. يقول لك ارجع لي. طب احنا كل الرسائل دي احنا ما بنستجيش لها. النتيجة الا الصلاة. تاني حاجة

قلت له طلع موبايلك كده ها اللي هات لي جوجل كده هات جاب جوجل اكتب لي مقاطع دينية مؤثرة. اكتب هتلاقي الاف المقاطع.

ادخل اسمع. ادخل اسمع وقالوا يا شباب - [00:10:02](#)

يسمع آآ الودن يسمع اوتوستراد يسمع مسار اجباري يسمع فرق حتى لو شواز نافية. تحس ان هي ميليشيات اغاني ميليشيات مزيكا طب انتم عايزين الشباب ليه؟ نفس خطة ابلبس. اول ما نزل على الكرة الارضية عمل نفسه راعي صوته جميل قوي بدأ بدور المغني -

[00:10:22](#)

ليه؟ لانه عارف ان البداية دي بعد كده هيسحب واحدة واحدة لحد ما نلاقي الدين بتاعنا بيتسلب منا واحدة واحدة هي نفس الخطة يا اخواني في الله عشان كده اوصيك حبيب قلبي في الله بوصيكي حبيبة قلب رسول الله صلى الله عليه وسلم وانا عارف الخير اللي

في قلبك وانا عارف الخير اللي في قلبك وانا عارف ان انتم من اطهر القلوب - [00:10:42](#)

اللي عايش على وجه الارض. بوصيكم الصلاة او عوا تقطعوا بينكم وبين ربنا وبوصيكم السماع مقاطع دينية مؤثرة بس تتكتب كده مقاطع اوصيك انك انت عشان ربنا سييها. عشان رزقك سييها. عشان ساعة الوقفة بين ايدين ربنا سييها. لو بتحبها سبها لانها لا في

ايدين نفسها ولا في ايدين بعد في ايدين - [00:11:02](#)

ربنا مش هتاخدها من خزائن ربنا غصب عنه. سبها لانك انت الجدار اللي بينها وبين ربنا. لان انت المانع اللي بينها وبين ربنا سييها.

لان انت لو هو اتعزب في النار في يوم من الايام - [00:11:22](#)

ايام في الاخرة ممكن تبقي انت السبب ممكن تبقي انت خطوة الشيطان اللي استدرجته بعيد عن ربنا. انت الحاجة اللي يبجي يقوم يصلي يفتكر ممكن يبعد عن ربنا بسببك عشان كده يا شباب طفل حينا ده عايزينه يبقى يعني مش عايزين نعيش في اوها.

الشيطان معيشنا فيها وفاكرين ان الدنيا سهلة وكده كده مسلم - [00:11:32](#)

وادخل الجنة. مين اللي قال لك؟ مين اللي قال لك؟ وفتنة الممات. مين اللي قال لك؟ ده انا مخرج منها بمعصية واحدة. مين اللي قال لك؟ وكده كده ربنا بيغفر وربنا. قلت له يا ابني انت فاكر انك هتموت - [00:11:52](#)

هتدخل اول ليلة في القبر الملائكة هتجيلك تعال هنا يا فلان قلمين على وشه ما عدتش تعمل كده تاني حاضر يلا على الجنة بقى

امشي قعد يضحك قلت له يا ابني انت فاكر ايه يا ابني والله العظيم - [00:12:02](#)

والله العظيم الموضوع كان عايزين نحب ربنا ونستبدل الحب الحرام باعظم حب في الوجود ونصبر. اصبري مشاعرك دي مش ملكك. مشاعرك دي زوج المستقبل اللي هيجي في يوم من الايام. مشاعرك دي يومها لازم تبقى بكر. لازم نفسيتك تبقى بكر. قبل ما يبقى

في لازم نفسيتك تبقى بكر لزوجك. لازم - [00:12:12](#)

ادخري مشاعرك ليه؟ لان مشاعرك دي ملك زوج المستقبل. انت دلوقتي بتخونيه. بتخونيه من قبل ما تشوفيه. يا اخواننا عايزين

مشاعرنا تبقى مع ربنا الوقتي. عشان ربنا يكرمنا في جوازنا - [00:12:32](#)

ويرزقنا الحب الحلال. الحب يا تخديه في الحرام. يا تاخديه في الجنة. في الجنة بكل انواع الحب العظيم لانها ارض الحب. اختاره. يعني اخده في حرام ده ناخده في حلال ولو خدناه في حرام. ممكن نتحرم بسببه من رزق كثير قوي. واقع الشباب اهو اللي يبص

للاقفال دي يقول الشباب حياتهم كلها حب في حب وسعادة - [00:12:42](#)

السعادة انما للاسف الشديد نلاقي حياة الشباب اكتب وتوتر وانتحار ولعبة الحوت الازرق ولعبة جنية النار وافتح الغاز على اهلك بالليل تصحى ايه ايه في ايه وصلنا لايه؟ وصلنا لايه يا اخواننا؟ فين عقولنا؟ فين رشدنا؟ كل ده وفي النهاية حياة الشباب تلاقيها

محطمة - [00:13:02](#)

اطالة عنوسة فقر اكتب مشاكل ليه؟ لان مش حل السعادة في ده. حل السعادة في حب الله سبحانه وتعالى. لو لك واحد صاحبك عارف ان هو بيحب بنتك شير له المقطع ده. لو لك بنت صاحبك عارفة انها بتحب ولد شير لها المقطع ده. والله يعلم الله. وانا بتكلم

معكم دلوقتي انا بحبكم قد ايه. وانا واقف مع الشاب - [00:13:22](#)

البنت اللي كانت معه انا والله العظيم انا محسن بهم الظن وشايف انهم قلوبهم مليانة خير. ولكن بلاش الشيطان يضحك علينا. بلاش

الشيطان يبقى جدار بيننا وبين ربنا ربنا يبارك فيكم يا شباب يعني اقلل حبنا ده يبقى في الحب الحلال باذن الله وربنا يجوزكم يا

شباب - 00:13:42

- 00:14:02